

ओं नमः परमात्मने, श्री महागणपतये नमः,  
श्री गुरुभ्यो नमः, हरिः ओं  
—

कृष्ण यजुर्वेदीय तैत्तिरीय संहिता पद पाठः  
(वाक्य सहित)

चतुर्थकाण्डे सप्तमः प्रश्नः

**Notes:**

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site [www.vedavms.in](http://www.vedavms.in)

## **Table of Contents**

4 कृष्ण यजुर्वेदीय तैत्तिरीय संहितायां पद पाठे चतुर्थ  
काण्डं 3

4.7 चतुर्थकाण्डे सप्तमः प्रश्नः – वसोर्धारादिशिष्ट

संस्काराभिधानं..... 3

ओं नमः परमात्मने, श्री महागणपतये नमः,

श्री गुरुभ्यो नमः , हरिः ओं

## 4 कृष्ण यजुर्वेदीय तैत्तिरीय संहितायां पद पाठे चतुर्थ काण्डं

### 4.7 चतुर्थकाण्डे सप्तमः प्रश्नः – वसोर्धारादिशिष्ट

#### संस्काराभिधानं

##### 4.7.1.1

अ॒ग्नावि॑ष्णू॒ स॒जोष॑से॒मा॒ वर्ध॑न्तु॒ वां गिरः॑ ।

ध॒यु॒नैर्वा॑जे॒भिरा॑ ग॒तं ।

वा॒जश्च॑ मे॒ प्र॒सव॑श्च॒ मे॒ प्र॒यति॑श्च॒ मे॒ प्र॒सिति॑श्च॒ मे॒

धी॒तिश्च॑ मे॒ क्र॒तुश्च॑ मे॒ स्वर॑श्च॒ मे॒ इ॒लोक॑श्च॒ मे॒

श्रा॒वश्च॑ मे॒ श्रु॒तिश्च॑ मे॒ ज्यो॒तिश्च॑ मे॒ सु॒वश्च॑ मे॒

प्रा॒णश्च॑ मे॒ ऽपान॑ – [ ] 1

**4.7.1.1 - Padam**

अ॒ग्ना॒वि॒ष्णू॒ इत्य॑ग्ना॒ – वि॒ष्णू॒ । स॒जोष॑सेति॒ स – जोष॑सा । इ॒माः ।  
व॒र्ध॒न्तु॒ । वा॒म् । गि॒रः । ध्यु॒म्नैः । वा॒जेभिः॑ । ए॒ति । ग॒तम् । वा॒जः ।  
च । मे॒ । प्र॒सव॑ इति॒ प्र-सवः॑ । च । मे॒ । प्र॒यति॑रिति॒ प्र-यतिः॑ । च ।  
मे॒ । प्र॒सिति॑रिति॒ प्र-सितिः॑ । च । मे॒ । धी॒तिः । च । मे॒ । क्र॒तुः । च ।  
मे॒ । स्वरः॑ । च । मे॒ । श्लो॒कः । च । मे॒ । श्रा॒वः ।  
च । मे॒ । श्रु॒तिः । च । मे॒ । ज्यो॒तिः । च । मे॒ । सु॒वः । च । मे॒ ।  
प्रा॒ण इति॑ प्र – अ॒नः । च । मे॒ । अ॒पा॒न इत्य॑प – अ॒नः । 1 (50)

**4.7.1.2**

–श्च॑ मे॒ व्या॒नश्च॑ मे॒ ऽसु॑श्च॒ मे॒ चि॒त्तं च॑ म॒ आ॒धी॒तं च॑ मे॒ वा॒क्च॑ मे॒  
म॒नश्च॑ मे॒ चक्षु॑श्च॒ मे॒ श्रो॒त्रं च॑ मे॒ दक्ष॑श्च॒ मे॒ ब॒लं च॑ म॒  
ओ॒जश्च॑ मे॒ स॒हश्च॑ म॒ आ॒युश्च॑ मे॒ ज॒रा च॑ म॒ आ॒त्मा च॑ मे॒  
त॒नूश्च॑ मे॒ ( ) श॒र्म च॑ मे॒ वर्म॑ च॒ मे॒ ऽङ्गा॑नि च॒ मे॒ ऽस्थ॑ानि च॒ मे॒  
प॒रू॒षि च॑ मे॒ शरी॑राणि च॒ मे॒ । 2

**4.7.1.2 - Padam**

च॒ । मे॒ । व्या॒न इति॑ वि-अ॒नः । च॒ । मे॒ । अ॒सुः । च॒ । मे॒ । चि॒त्तम् ।  
च॒ । मे॒ । आ॒धी॒त॒मि॒त्या-धी॒तम् । च॒ । मे॒ । वाक् । च॒ । मे॒ । म॒नः ।  
च॒ । मे॒ । चक्षुः॑ । च॒ । मे॒ । श्रो॒त्रम् । च॒ । मे॒ । दक्षः॑ । च॒ । मे॒ ।  
ब॒लम् । च॒ । मे॒ । ओ॒जः । च॒ । मे॒ । स॒हः । च॒ । मे॒ । आ॒युः । च॒ ।  
मे॒ । ज॒रा । च॒ । मे॒ । आ॒त्मा । च॒ । मे॒ । त॒नूः । च॒ । मे॒ ( ) । श॒र्म ।  
च॒ । मे॒ । वर्म॑ । च॒ । मे॒ । अ॒ङ्गानि॑ । च॒ । मे॒ । अ॒स्थानि॑ ।  
च॒ । मे॒ । प॒रू॒षि । च॒ । मे॒ । शरी॑राणि । च॒ । मे॒ । 2 (68)

(अ॒पान॑ - स्त॒नूश्च॑ मे॒ - ऽष्टा॑दश च) (A1)

**4.7.2.1**

ज्यैष्ठ्यं॑ च॒ म आ॒धि॒प॒त्यं च॒ मे म॒न्युश्च॑ मे॒ भाम॑श्च॒ मे॒  
ऽम॑श्च॒ मे॒ ऽभ॑श्च॒ मे॒ जे॒मा च॒ मे म॒हि॒मा च॒ मे व॒रि॒मा च॒ मे॒  
प्र॒थि॒मा च॒ मे व॒र्ष्मा च॒ मे द्रा॒घु॒या च॒ मे वृ॒द्धं च॒ मे॒  
वृ॒द्धिश्च॑ मे॒ स॒त्यं च॒ मे श्र॒द्धा च॒ मे ज॒गच्च॑ - [ ] 3

**4.7.2.1 - Padam**

ज्यैष्ठ्यम् । च । मे । आधिपत्यमित्याधि-पत्यम् । च । मे । मन्युः ।  
च । मे । भामः । च । मे । अमः । च । मे । अंभः । च । मे ।  
जेमा । च । मे । महिमा । च । मे । वरिमा । च । मे । प्रथिमा ।  
च । मे । वर्षा । च । मे । द्राघुया । च । मे । वृद्धम् । च । मे ।  
वृद्धिः । च । मे । सत्यम् । च । मे । श्रद्धेति श्रत् - धा । च । मे ।  
जगत् । च । 3 (50)

**4.7.2.2**

-मे धनं च मे वशश्च मे त्विषिश्च मे क्रीडा च मे  
मोदश्च मे जातं च मे जनिष्यमाणं च मे सूक्तं च मे  
सुकृतं च मे वित्तं च मे वेद्यं च मे भूतं च मे भविष्यच्च मे  
सुगं च मे सुपथं च म ऋद्धं च म ऋद्धि ( ) च मे क्लृप्तं च मे  
क्लृप्तिश्च मे मतिश्च मे सुमतिश्च मे । 4

**4.7.2.2 - Padam**

मे॒ । ध॒न॒म् । च॒ । मे॒ । व॒शः॑ । च॒ । मे॒ । त्वि॒षिः॑ । च॒ । मे॒ । क्री॒डा ।  
च॒ । मे॒ । मो॒दः॑ । च॒ । मे॒ । जा॒तम् । च॒ । मे॒ । ज॒नि॒ष्य॒मा॒णम् । च॒ ।  
मे॒ । सू॒क्त॒मि॒ति॑ सु॒ – उ॒क्तम् । च॒ । मे॒ । सु॒कृ॒त॒मि॒ति॑ सु॒ – कृ॒तम् ।  
च॒ । मे॒ । वि॒त्तम् । च॒ । मे॒ । वे॒द्यम् । च॒ । मे॒ । भू॒तम् । च॒ । मे॒ ।  
भ॒वि॒ष्य॒त् । च॒ । मे॒ । सु॒ग॒मि॒ति॑ सु॒ – ग॒म् । च॒ । मे॒ । सु॒प॒थ॒मि॒ति॑  
सु॒ – प॒थम् । च॒ । मे॒ । ऋ॒द्धम् । च॒ । मे॒ । ऋ॒द्धिः॑ ( ) । च॒ । मे॒ ।  
क्लृ॒प्तम् । च॒ । मे॒ । क्लृ॒प्तिः॑ । च॒ । मे॒ । म॒तिः॑ । च॒ । मे॒ ।  
सु॒म॒ति॒रि॒ति॑ सु॒ – म॒तिः॑ । च॒ । मे॒ । 4 (64)

( ज॒ग॒च्च॑ – ऋ॒द्धि॑ – श्व॒तु॒र्द॒श॑ च) (A2)

**4.7.3.1**

शं॑ च॒ मे॒ म॒य॒श्च॑ मे॒ प्रि॒यं॑ च॒ मे॒ ऽनु॒का॒म॒श्च॑ मे॒ का॒म॒श्च॑ मे॒  
सौ॒म॒न॒स॒श्च॑ मे॒ भ॒द्रं॑ च॒ मे॒ श्रे॒य॒श्च॑ मे॒ व॒स्य॑श्च॒ मे॒  
य॒श॑श्च॒ मे॒ भ॒ग॑श्च॒ मे॒ द्र॒वि॒णं॑ च॒ मे॒ य॒न्ता॑ च॒ मे॒ ध॒र्ता॑ च॒ मे॒  
क्षे॒म॑श्च॒ मे॒ धृ॒ति॑श्च॒ मे॒ वि॒श्वं॑ च॒ – [ ] 5

**4.7.3.1 - Padam**

शम् । च । मे । मयः । च । मे । प्रियम् । च । मे । अनुकाम  
इत्यनु – कामः । च । मे । कामः । च । मे । सौमनसः । च । मे ।  
भद्रम् । च । मे । श्रेयः । च । मे । वस्यः । च । मे । यशः । च ।  
मे । भगः । च । मे । द्रविणम् । च । मे । यन्ता । च । मे । धर्ता ।  
च । मे । क्षेमः । च । मे । धृतिः । च । मे । विश्वम् । च । 5 (50)

**4.7.3.2**

मे महश्च मे सँविच्च मे ज्ञात्रं च मे सूश्च मे प्रसूश्च मे  
सीरं च मे लयश्च म ऋतं च मे ऽमृतं च मे ऽयक्ष्मं च मे  
ऽनामयच्च मे जीवातुश्च मे दीर्घायुत्वं च मे ऽनमित्रं च मे  
ऽभयं च मे सुगं च मे शयनं ( ) च मे सूषा च मे सुदिनं च मे । 6

**4.7.3.2 - Padam**

मे । महः । च । मे । सँविदिति सम्-वित् । च । मे । ज्ञात्रम् । च ।  
मे । सूः । च । मे । प्रसूरिति प्र – सूः । च । मे । सीरं । च । मे ।  
लयः । च । मे । ऋतम् । च । मे । अमृतम् । च । मे ।



अ॒यक्ष्म॑म् । च॒ । मे॒ । अ॒ना॒म॒यत् । च॒ । मे॒ । जी॒वा॒तुः । च॒ । मे॒ ।  
दी॒र्घा॒यु॒त्वमि॑ति दी॒र्घा॒यु – त्व॑म् । च॒ । मे॒ । अ॒न॒मि॒त्रम् । च॒ । मे॒ ।  
अ॒भ॒यम् । च॒ । मे॒ । सु॒ग॒मि॒ति सु॒-ग॑म् । च॒ । मे॒ । श॒य॒नम् ( ) । च॒ ।  
मे॒ । सू॒षे॒ति सु॒ – उ॒षा॑ । च॒ । मे॒ । सु॒दि॒न॒मि॒ति सु॒ – दि॒नम् । च॒ ।  
मे॒ । 6 (58) ( वि॒श्वं॑ च॒ – श॒य॒न – म॒ष्टौ॑ च॒ ) (A3)

#### 4.7.4.1

ऊ॒र्क्च॑ मे॒ सू॒नृ॒ता च॒ मे॒ प॒यश्च॑ मे॒ र॒सश्च॑ मे॒ घृ॒तं च॒ मे॒ म॒धु च॒ मे॒  
स॒ग्धिश्च॑ मे॒ स॒पी॒तिश्च॑ मे॒ कृ॒षिश्च॑ मे॒ वृ॒ष्टिश्च॑ मे॒ जै॒त्रं च॒ म॒ औ॒द्भि॒ध्यं च॒  
मे॒ र॒यिश्च॑ मे॒ रा॒यश्च॑ मे॒ पु॒ष्टं च॒ मे॒ पु॒ष्टिश्च॑ मे॒ वि॒भु च॒ – [ ] 7

#### 4.7.4.1 - Padam

ऊ॒र्क् । च॒ । मे॒ । सू॒नृ॒ता॑ । च॒ । मे॒ । प॒यः॑ । च॒ । मे॒ । र॒सः॑ । च॒ ।  
मे॒ । घृ॒तम् । च॒ । मे॒ । म॒धु । च॒ । मे॒ । स॒ग्धिः॑ । च॒ । मे॒ ।  
स॒पी॒ति॒रि॒ति स॒ – पी॒तिः॑ । च॒ । मे॒ । कृ॒षिः॑ । च॒ । मे॒ । वृ॒ष्टिः॑ । च॒ ।  
मे॒ । जै॒त्रम् । च॒ । मे॒ । औ॒द्भि॒ध्य॒मि॒त्यौत्-भि॒ध्यम् । च॒ । मे॒ । र॒यिः॑ ।

च॒ । मे॒ । रा॒यः । च॒ । मे॒ । पु॒ष्टम् । च॒ । मे॒ । पु॒ष्टिः । च॒ । मे॒ ।  
वि॒भ्वि॒ति॒ वि॒ – भु॒ । च॒ । 7 (50)

#### 4.7.4.2

मे॒ प्र॒भु॒ च॒ मे॒ बहु॒ च॒ मे॒ भू॒यश्च॒ मे॒ पूर्ण॑ च॒ मे॒ पूर्ण॑तरं॒ च॒ मे॒  
ऽक्षि॑तिश्च॒ मे॒ कू॒यवा॑श्च॒ मे॒ऽन्नं॑ च॒ मे॒ ऽक्षु॑च्च॒ मे॒ व्री॒हय॑श्च॒ मे॒  
यवा॑श्च॒ मे॒ मा॒षाश्च॒ मे॒ ति॒लाश्च॒ मे॒ मु॒द्गाश्च॒ मे॒ ख॒ल्वाश्च॒ मे॒  
गो॒धूमा॑श्च॒ मे॒ म॒सुरा॑ – ( ) –श्च॒ मे॒ प्रि॒यंग॑वश्च॒ मे॒ ऽण॑वश्च॒ मे॒  
श्या॑माकाश्च॒ मे॒ नी॒वारा॑श्च॒ मे॒ । 8

#### 4.7.4.2 - Padam

मे॒ । प्र॒भ्वि॒ति॒ प्र॒ – भु॒ । च॒ । मे॒ । बहु॒ । च॒ । मे॒ । भू॒यः । च॒ । मे॒ ।  
पूर्ण॑म् । च॒ । मे॒ । पूर्ण॑तरमि॒ति॒ पूर्ण॑ – तरम् । च॒ । मे॒ । अ॒क्षि॑तिः ।  
च॒ । मे॒ । कू॒यवाः । च॒ । मे॒ । अ॒न्नम् । च॒ । मे॒ । अ॒क्षु॑त् । च॒ । मे॒ ।  
व्री॒हयः । च॒ । मे॒ । यवाः । च॒ । मे॒ । मा॒षाः । च॒ । मे॒ । ति॒लाः ।  
च॒ । मे॒ । मु॒द्गाः । च॒ । मे॒ । ख॒ल्वाः । च॒ । मे॒ । गो॒धूमाः । च॒ ।  
मे॒ । म॒सुराः॑ ( ) । च॒ । मे॒ । प्रि॒यंग॑वः । च॒ । मे॒ । अ॒णवः । च॒ ।

मे॒ । श्या॒माकाः॑ । च॒ । मे॒ । नी॒वा॒राः॑ । च॒ । मे॒ । 8 (64)

(वि॒भु च॑ – म॒सुरा॑ – श्रु॒तु॒र्द॒श च॑) (A4)

#### 4.7.5.1

अ॒श्मा॑ च॒ मे॒ मृ॒त्ति॒का च॒ मे॒ गि॒रय॑श्च॒ मे॒ प॒र्व॒ताश्च॒ मे॒ सि॒क॒ताश्च॒ मे॒  
व॒न॒स्प॒तय॑श्च॒ मे॒ हि॒र॒ण्यं च॒ मे॒ ज्य॑श्च॒ मे॒ सी॒सं च॒ मे॒ त्र॒पुश्च॒ मे॒  
श्या॒मं च॒ मे॒ लो॒हं च॒ मे॒ अ॒ग्नि॑श्च॒ म॒ आ॒पश्च॒ मे॒ वी॒रु॒धश्च॒ म॒  
ओ॒ष॒धय॑श्च॒ मे॒ कृ॒ष्ट॒प॒च्यं च॒ – [ ] 9

#### 4.7.5.1 - Padam

अ॒श्मा॑ । च॒ । मे॒ । मृ॒त्ति॒का । च॒ । मे॒ । गि॒रयः॑ । च॒ । मे॒ । प॒र्व॒ताः ।  
च॒ । मे॒ । सि॒क॒ताः । च॒ । मे॒ । व॒न॒स्प॒तयः॑ । च॒ । मे॒ । हि॒र॒ण्यम् ।  
च॒ । मे॒ । अ॒यः । च॒ । मे॒ । सी॒सम् । च॒ । मे॒ । त्र॒पु । च॒ । मे॒ ।  
श्या॒मम् । च॒ । मे॒ । लो॒हम् । च॒ । मे॒ । अ॒ग्निः । च॒ । मे॒ । आ॒पः ।  
च॒ । मे॒ । वी॒रु॒धः । च॒ । मे॒ । ओ॒ष॒धयः॑ । च॒ । मे॒ ।  
कृ॒ष्ट॒प॒च्य॒मि॒ति॒ कृ॒ष्ट – प॒च्यम् । च॒ । 9 (50)

**4.7.5.2**

मे ऽकृष्टपच्यं च मे ग्रांयाश्च मे पशव आरण्याश्च यज्ञेन कल्पन्तां  
वित्तं च मे वित्तिश्च मे भूतं च मे भूतिश्च मे वसु च मे वसतिश्च मे  
कर्म च मे शक्तिश्च मेऽर्थश्च मे एमश्च मे इतिश्च मे गतिश्च मे । 10

**4.7.5.2 - Padam**

मे । अकृष्टपच्यमित्यकृष्ट – पच्यम् । च । मे । ग्राम्याः । च । मे ।  
पशवः । आरण्याः । च । यज्ञेन । कल्पन्ताम् । वित्तम् । च । मे ।  
वित्तिः । च । मे । भूतम् । च । मे । भूतिः । च । मे । वसु । च ।  
मे । वसतिः । च । मे । कर्म । च । मे । शक्तिः । च । मे । अर्थः ।  
च । मे । एमः । च । मे । इतिः । च । मे । गतिः । च ।  
मे । 10 (48) (कृष्टपच्यं चा – ऽष्टाचत्वारिंशच्च) (A5)

**4.7.6.1**

अग्निश्च मे इन्द्रश्च मे सोमश्च मे इन्द्रश्च मे  
सविता च मे इन्द्रश्च मे सरस्वती च मे इन्द्रश्च मे

पू॒षा च॑ म॒ इन्द्र॑श्च मे॒ बृह॑स्पतिश्च म॒ इन्द्र॑श्च मे॒  
मि॒त्रश्च॑ म॒ इन्द्र॑श्च मे॒ वरु॑णश्च म॒ इन्द्र॑श्च मे॒ त्वष्टा॑ च – [ ] 11

#### **4.7.6.1 - Padam**

अ॒ग्निः । च॑ । मे॒ । इन्द्रः॑ । च॑ । मे॒ । सोमः॑ । च॑ । मे॒ । इन्द्रः॑ । च॑ ।  
मे॒ । स॒विता । च॑ । मे॒ । इन्द्रः॑ । च॑ । मे॒ । स॒रस्वती॑ । च॑ । मे॒ ।  
इन्द्रः॑ । च॑ । मे॒ । पू॒षा । च॑ । मे॒ । इन्द्रः॑ । च॑ । मे॒ । बृह॑स्पतिः ।  
च॑ । मे॒ । इन्द्रः॑ । च॑ । मे॒ । मि॒त्रः । च॑ । मे॒ । इन्द्रः॑ । च॑ । मे॒ ।  
वरु॑णः । च॑ । मे॒ । इन्द्रः॑ । च॑ । मे॒ । त्वष्टा॑ । च॑ । 11 (50)

#### **4.7.6.2**

म॒ इन्द्र॑श्च मे॒ धा॒ता च॑ म॒ इन्द्र॑श्च मे॒  
विष्णु॑श्च म॒ इन्द्र॑श्च मे॒ ऽश्वि॑नौ च॑ म॒ इन्द्र॑श्च मे॒  
म॒रुत॑श्च म॒ इन्द्र॑श्च मे॒ वि॒श्वे च॑ मे॒ दे॒वा इन्द्र॑श्च मे॒  
पृ॒थि॒वी च॑ म॒ इन्द्र॑श्च मे॒ ऽन्तरि॑क्षं च॑ म॒ इन्द्र॑श्च मे॒  
द्यौश्च॑ म॒ ( ) इन्द्र॑श्च मे॒ दि॒शश्च॑ म॒ इन्द्र॑श्च मे॒  
मूर्ध्ना॑ च॑ म॒ इन्द्र॑श्च मे॒ प्र॒जाप॑तिश्च म॒ इन्द्र॑श्च मे॒ । 12

**4.7.6.2 - Padam**

मे॒ । इन्द्रः॑ । च॒ । मे॒ । धा॒ता । च॒ । मे॒ । इन्द्रः॑ । च॒ । मे॒ । विष्णुः॑ ।  
च॒ । मे॒ । इन्द्रः॑ । च॒ । मे॒ । अ॒श्विनौ॑ । च॒ । मे॒ । इन्द्रः॑ । च॒ । मे॒ ।  
मरु॑तः । च॒ । मे॒ । इन्द्रः॑ । च॒ । मे॒ । वि॒श्वे॑ । च॒ । मे॒ । दे॒वाः ।  
इन्द्रः॑ । च॒ । मे॒ । पृ॒थि॒वी । च॒ । मे॒ । इन्द्रः॑ । च॒ । मे॒ । अ॒न्तरि॑क्षम् ।  
च॒ । मे॒ । इन्द्रः॑ । च॒ । मे॒ । द्यौः॑ । च॒ । मे॒ ( ) । इन्द्रः॑ । च॒ । मे॒ ।  
दि॒शः । च॒ । मे॒ । इन्द्रः॑ । च॒ । मे॒ । मूर्ध्ना॑ । च॒ । मे॒ । इन्द्रः॑ । च॒ ।  
मे॒ । प्र॒जाप॑तिरिति प्र॒जा – प॒तिः । च॒ । मे॒ । इन्द्रः॑ ।  
च॒ । मे॒ । 12 (71) (त्व॒ष्टा च॑ – द्यौश्च॑ म॒ – ए॒कवि॑ंशतिश्च) (A6)

**4.7.7.1**

अ॒ंशुश्च॑ मे॒ रश्मि॑श्च मे॒ ऽदा॑भ्यश्च मे॒ ऽधि॑पतिश्च म॒  
उपा॒ंशुश्च॑ मे॒ ऽन्तर्या॑मश्च म॒ ऐन्द्र॑वायवश्च मे॒  
मै॒त्राव॑रुणश्च म॒ आ॒श्विनश्च॑ मे॒ प्र॒तिप्र॑स्थानश्च मे॒ शु॒क्रश्च॑ मे॒  
म॒न्थी च॑ म॒ आ॒ग्रय॑णश्च मे॒ वै॒श्वदे॑वश्च मे॒ ध्रु॒वश्च॑ मे॒  
वै॒श्वान॑रश्च म॒ ऋ॒तुग्र॑हाश्च – [ ] 13

**4.7.7.1 - Padam**

अ॒ञ्शुः । च । मे । र॒श्मिः । च । मे । अ॒दा॒भ्यः । च । मे ।  
अधि॑पतिरित्यधि॑ – पतिः । च । मे । उपा॑ञ्शुरित्युप-अ॒ञ्शुः । च ।  
मे । अ॒न्तर्या॑म इत्यन्तः-यामः । च । मे । ऐ॒न्द्रवा॑यव इत्यै॒न्द्र-वा॑यवः ।  
च । मे । मै॒त्रावरु॑ण इति॑ मै॒त्रा – वरु॑णः । च । मे । आ॒श्विनः । च ।  
मे । प्रति॑प्रस्थान इति॑ प्रति – प्र॒स्थानः । च । मे । शु॒क्रः । च । मे ।  
म॒न्थी । च । मे । आ॒ग्रय॑णः । च । मे । वै॒श्वदे॑व इति॑ वै॒श्व – दे॒वः ।  
च । मे । ध्रु॒वः । च । मे । वै॒श्वान॑रः । च । मे ।  
ऋ॒तुग्र॑हा इत्यृ॒तु – ग्र॒हाः । च । 13 (50)

**4.7.7.2**

मे ऽति॑ग्राह्याश्च म ऐ॒न्द्रा॒ग्नश्च॑ मे वै॒श्वदे॑वश्च॑ मे  
मरु॑त्वतीयाश्च॑ मे माहे॒न्द्रश्च॑ म आ॒दित्य॑श्च॑ मे सा॒वित्र॑श्च॑ मे  
सा॒रस्व॑तश्च॑ मे पौ॒ष्णश्च॑ मे पा॒नी॒वत॑श्च॑ मे हा॒रि॒यो॒जन॑श्च॑ मे । 14

**4.7.7.2 - Padam**

मे । अति॑ग्राह्या॑ इत्य॑ति-ग्राह्याः॑ । च । मे । ऐन्द्रा॑ग्न इत्यैन्द्रा॑-अ॒ग्नः ।  
च । मे । वै॒श्वदे॑व इति॑ वै॒श्व - दे॒वः । च । मे । मरु॑त्वतीयाः॑ । च ।  
मे । माहेन्द्रा॑ इति॑ माहा - इन्द्राः॑ । च । मे । आदि॑त्यः । च । मे ।  
सा॒वि॒त्रः । च । मे । सा॒र॒स्व॒तः । च । मे । पौ॒ष्णः । च । मे ।  
पा॒त्नी॒व॒त इति॑ पा॒त्नी-व॒तः । च । मे । हा॒रि॒यो॒ज॒न इति॑ हा॒रि-यो॒ज॒नः ।  
च । मे । 14 (34) (ऋ॒तु॒ग्र॒हाश्च॑ - च॒तु॒स्त्रिं॒शच्च॑ ) (A7)

**4.7.8.1**

इ॒ध्मश्च॑ मे॒ ब॒र्हि॑श्च॒ मे॒ वे॒दि॑श्च॒ मे॒ धि॒ष्णि॑याश्च॒ मे॒  
सु॒चश्च॑ मे॒ च॒म॒साश्च॑ मे॒ ग्रा॒वा॒णश्च॑ मे॒ स्वर॑वश्च॒ म॒  
उ॒पर॑वाश्च॒ मे॒ ऽधि॑षवणे॒ च॒ मे॒ द्रो॑णकल॒शश्च॑ मे॒  
वा॒य॒व्या॒नि च॑ मे॒ पू॒त॒भृ॒च्च॑ म॒ आ॒ध॒व॒नी॒यश्च॑ म॒ आ॒ग्नी॑ध्रं च॒ मे॒  
ह॒वि॒र्धा॒निं च॑ मे॒ गृ॒हाश्च॑ ( ) मे॒ स॒दश्च॑ मे॒ पु॒रो॒डा॒शाश्च॑ मे॒  
प॒च॒ताश्च॑ मे॒ ऽव॑भृथश्च॒ मे॒ स्व॒गा॒का॒रश्च॑ मे॒ । 15



**4.7.8.1 - Padam**

इ॒ध्मः । च॒ । मे॒ । ब॒र्हिः । च॒ । मे॒ । वे॒दिः । च॒ । मे॒ । धि॒ष्णि॒याः ।  
च॒ । मे॒ । सु॒चः । च॒ । मे॒ । च॒म॒साः । च॒ । मे॒ । ग्रा॒वा॒णः । च॒ । मे॒ ।  
स्व॒र॒वः । च॒ । मे॒ । उ॒पर॒वा इ॒त्यु॒प – र॒वाः । च॒ । मे॒ । अ॒धि॒ष॒व॒णे  
इ॒त्य॒धि – स॒व॒ने । च॒ । मे॒ । द्रो॒ण॒क॒ल॒श इति॑ द्रो॒ण-क॒ल॒शः । च॒ ।  
मे॒ । वा॒य॒व्या॒नि । च॒ । मे॒ । पू॒त॒भृ॒दि॒ति पू॒त – भृ॒त् । च॒ । मे॒ ।  
आ॒ध॒व॒नी॒य इ॒त्या – ध॒व॒नी॒यः । च॒ । मे॒ । आ॒ग्नी॒ध्र॒मि॒त्या॒ग्नि-इ॒ध्र॒म् ।  
च॒ । मे॒ । ह॒वि॒र्धा॒न॒मि॒ति ह॒विः – धा॒न॒म् । च॒ । मे॒ । गृ॒हाः । च॒ ( ) ।  
मे॒ । स॒दः । च॒ । मे॒ । पु॒रो॒डा॒शाः । च॒ । मे॒ । प॒च॒ताः । च॒ । मे॒ ।  
अ॒व॒भृ॒थ इ॒त्य॒व – भृ॒थः । च॒ । मे॒ । स्व॒गा॒का॒र इति॑ स्व॒गा का॒रः ।  
च॒ । मे॒ । 15 (66) (गृ॒हाश्च॑ – षोड॑श च) (A8)

**4.7.9.1**

अ॒ग्नि॒श्च मे॒ घ॒र्म॒श्च मे॒ऽर्क॒श्च मे॒ सूर्य॑श्च मे॒  
प्रा॒ण॒श्च मे॒ ऽश्व॑मे॒ध॒श्च मे॒ पृ॒थि॒वी च॒ मे॒ ऽदि॒ति॒श्च मे॒  
दि॒ति॒श्च मे॒ द्यौश्च॑ मे॒ श॒क्व॒री॒रङ्गु॒लयो॑ दि॒शश्च॑ मे॒

य॒ज्ञेन॑ क॒ल्पन्ता॒- मृ॒क्च॑ मे॒ साम॑ च॒ मे स्तो॒मश्च॑ मे॒  
य॒जुश्च॑ मे॒ दी॒क्षा ( ) च॒ मे तप॑श्च॒ म ऋ॒तुश्च॑ मे॒ व्र॒तं च॒ मे  
ऽहो॒रात्रयो॑ वृ॒ष्ट्या बृ॒हद्र॑थन्त॒रे च॒ मे य॒ज्ञेन॑ क॒ल्पेतां॑ । 16

**4.7.9.1 - Padam**

अ॒ग्निः । च॒ । मे॒ । घ॒र्मः । च॒ । मे॒ । अ॒र्कः । च॒ । मे॒ । सूर्यः॑ । च॒ ।  
मे॒ । प्रा॒ण इति॑ प्र - अ॒नः । च॒ । मे॒ । अ॒श्वमे॑ध इत्य॑श्च-मे॒धः । च॒ ।  
मे॒ । पृ॒थि॒वी । च॒ । मे॒ । अ॒दि॒तिः । च॒ । मे॒ । दि॒तिः । च॒ । मे॒ ।  
द्यौः । च॒ । मे॒ । श॒क्व॒रीः । अ॒ङ्गु॒लयः॑ । दि॒शः । च॒ । मे॒ । य॒ज्ञेन॑ ।  
क॒ल्पन्ता॑म् । ऋ॒क् । च॒ । मे॒ । साम॑ । च॒ । मे॒ । स्तो॒मः । च॒ । मे॒ ।  
य॒जुः । च॒ । मे॒ । दी॒क्षा ( ) । च॒ । मे॒ । तपः॑ । च॒ । मे॒ । ऋ॒तुः ।  
च॒ । मे॒ । व्र॒तम् । च॒ । मे॒ । अ॒हो॒रात्रयो॑रित्य॑हः - रा॒त्रयोः॑ । वृ॒ष्ट्या ।  
बृ॒हद्र॑थन्त॒रे इति॑ बृ॒हत् - र॒थन्त॑रे । च॒ । मे॒ । य॒ज्ञेन॑ ।  
क॒ल्पेता॑म् । 16 (68) (दी॒क्षाऽ - षा॒दश॑ च ) (A9)

**4.7.10.1**

ग॒र्भा॑श्च॒ मे॒ व॒थ्सा॑श्च॒ मे॒ त्र्य॒वि॒श्च॒ मे॒ त्र्य॒वी॒ च॒ मे॒ दि॒त्य॒वाट्॑ च॒ मे॒ दि॒त्यौ॒ही॒  
च॒ मे॒ प॒ञ्चा॒वि॒श्च॒ मे॒ प॒ञ्चा॒वी॒ च॒ मे॒ त्रि॒व॒थ्स॑श्च॒ मे॒ त्रि॒व॒थ्सा॑ च॒ मे॒  
तु॒र्य॒वाट्॑ च॒ मे॒ तु॒र्यौ॒ही॒ च॒ मे॒ प॒ष्ठ॒वाट्॑ च॒ मे॒ प॒ष्ठौ॒ही॒ च॒ म॒ उ॒क्षा॑ च॒ मे॒  
व॒शा॑ च॒ म॒ ऋ॒षभ॑श्च॒ - [ ] 17

**4.7.10.1 - Padam**

ग॒र्भाः॑ । च॒ मे॒ व॒थ्साः॑ । च॒ मे॒ त्र्य॒वि॒रिति॑ त्रि - अ॒विः॑ । च॒ मे॒ त्र्य॒वी॒ति॑ त्रि - अ॒वी॒ । च॒ मे॒ दि॒त्य॒वाडि॑ति॒ दि॒त्य॒ - वाट्॑ ।  
च॒ मे॒ दि॒त्यौ॒ही॒ । च॒ मे॒ प॒ञ्चा॒वि॒रिति॑ प॒ञ्च॑ - अ॒विः॑ । च॒ मे॒ प॒ञ्चा॒वी॒ति॑ प॒ञ्च॑ - अ॒वी॒ । च॒ मे॒ त्रि॒व॒थ्स॑ इति॒ त्रि॒ - व॒थ्सः॑ ।  
च॒ मे॒ त्रि॒व॒थ्सो॑ति॒ त्रि॒ - व॒थ्सा॑ । च॒ मे॒ तु॒र्य॒वाडि॑ति॒ तु॒र्य॒ - वाट्॑ । च॒ मे॒ तु॒र्यौ॒ही॒ । च॒ मे॒ प॒ष्ठ॒वाडि॑ति॒ प॒ष्ठ॑ - वात् ।  
च॒ मे॒ प॒ष्ठौ॒ही॒ । च॒ मे॒ उ॒क्षा॑ । च॒ मे॒ व॒शा॑ । च॒ मे॒ ऋ॒षभः॑ । च॒ 17 (50)

**4.7.10.2**

मे॒ वे॒ह॒च्च॒ मे॒ ऽन॒ड्वां॑ च॒ मे॒ धे॒नुश्च॑ म॒ आयु॑र्य॒ज्ञेन॑ क॒ल्पतां॑ प्रा॒णो य॒ज्ञेन॑  
क॒ल्पता॑-म॒पानो॑ य॒ज्ञेन॑ क॒ल्पतां॑ व्या॒नो य॒ज्ञेन॑ क॒ल्पतां॑  
चक्षु॑-र्य॒ज्ञेन॑ क॒ल्पता॑७ श्रो॒त्रं य॒ज्ञेन॑ क॒ल्पतां॑ मनो॑ य॒ज्ञेन॑ क॒ल्पतां॑ वाग्  
य॒ज्ञेन॑ क॒ल्पता॑-मा॒त्मा य॒ज्ञेन॑ क॒ल्पतां॑ य॒ज्ञो य॒ज्ञेन॑ क॒ल्पतां॑ । 18

**4.7.10.2 - Padam**

मे॒ । वे॒ह॒त् । च॒ । मे॒ । अ॒न॒ड्वा॒न् । च॒ । मे॒ । धे॒नुः॑ । च॒ । मे॒ ।  
आ॒युः॑ । य॒ज्ञेन॑ । क॒ल्पता॑म् । प्रा॒ण इति॑ प्र – अ॒नः॑ । य॒ज्ञेन॑ ।  
क॒ल्पता॑म् । अ॒पान॑ इत्य॒प – अ॒नः॑ । य॒ज्ञेन॑ । क॒ल्पता॑म् । व्या॒न इति॑  
वि – अ॒नः॑ । य॒ज्ञेन॑ । क॒ल्पता॑म् । चक्षुः॑ । य॒ज्ञेन॑ । क॒ल्पता॑म् ।  
श्रो॒त्रम्॑ । य॒ज्ञेन॑ । क॒ल्पता॑म् । मनः॑ । य॒ज्ञेन॑ । क॒ल्पता॑म् । वाक् ।  
य॒ज्ञेन॑ । क॒ल्पता॑म् । आ॒त्मा । य॒ज्ञेन॑ । क॒ल्पता॑म् । य॒ज्ञः॑ । य॒ज्ञेन॑ ।  
क॒ल्पता॑म् । 18 (40) (ऋषभश्च – चत्वारिंशच्च) (A10)

**4.7.11.1**

एका॑ च॒ मे॒ तिस्र॑श्च॒ मे॒ पञ्च॑ च॒ मे॒ सप्त॑ च॒ मे॒  
नव॑ च॒ म॒ एका॑दश॒ च॒ मे॒ त्रयो॑दश॒ च॒ मे॒ पञ्च॑दश॒ च॒ मे॒  
सप्त॑दश॒ च॒ मे॒ नव॑दश॒ च॒ म॒ एक॑विंशतिश्च॒ मे॒  
त्रयो॑विंशतिश्च॒ मे॒ पञ्च॑विंशतिश्च॒ मे॒ सप्त॑विंशतिश्च॒ मे॒  
नव॑विंशतिश्च॒ म॒ एक॑त्रिंशच्च॒ मे॒ त्रय॑स्त्रिंशच्च- [ ] 19

**4.7.11.1 - Padam**

एका॑ । च॒ । मे॒ । तिस्रः॑ । च॒ । मे॒ । पञ्च॑ । च॒ । मे॒ । सप्त॑ । च॒ ।  
मे॒ । नव॑ । च॒ । मे॒ । एका॑दश । च॒ । मे॒ । त्रयो॑दशेति॒ त्रयः॑ - दश॑ ।  
च॒ । मे॒ । पञ्च॑दशेति॒ पञ्च॑-दश॑ । च॒ । मे॒ । सप्त॑दशेति॒  
सप्त॑ - दश॑ । च॒ । मे॒ । नव॑दशेति॒ नव॑ - दश॑ । च॒ । मे॒ ।  
एक॑विंशतिरित्येक॑ - विंशतिः॑ । च॒ । मे॒ । त्रयो॑विंशतिरिति॒  
त्रयः॑-विंशतिः॑ । च॒ । मे॒ । पञ्च॑विंशतिरिति॒ पञ्च॑-विंशतिः॑ ।  
च॒ । मे॒ । सप्त॑विंशतिरिति॒ सप्त॑ - विंशतिः॑ । च॒ । मे॒ ।  
नव॑विंशतिरिति॒ नव॑ - विंशतिः॑ । च॒ । मे॒ ।

ए॒क॒त्रि॒ंश॒दि॒त्ये॒क॒ – त्रि॒ंश॒त् । च॒ । मे॒ ।

त्रय॑स्त्रि॒ंश॒दि॒ति॒ त्रयः॑ – त्रि॒ंश॒त् । च॒ । 19 (50)

#### 4.7.11.2

मे॒ च॒त॒स्र॒श्च॒ मे॒ ऽष्टौ॑ च॒ मे॒ द्वा॒द॒श॒ च॒ मे॒  
षो॒ड॒श॒ च॒ मे॒ वि॒ंश॒ति॒श्च॒ मे॒ च॒तु॒र्वि॒ंश॒ति॒श्च॒ मे॒  
ऽष्टा॒वि॒ंश॒ति॒श्च॒ मे॒ द्वा॒त्रि॒ंश॒च्च॒ मे॒ षट्-त्रि॒ंश॒च्च॒ मे॒  
च॒त्वा॒रि॒ंश॒च्च॒ मे॒ च॒तु॒श्च॒त्वा॒रि॒ंश॒च्च॒ मे॒ ऽष्टा॒च॒त्वा॒रि॒ंश॒च्च॒ मे॒  
वा॒ज॒श्च॒ प्र॒स॒व॒श्चा-पि॒ज॒श्च॒ क्र॒तु॒श्च॒ सु॒व॒श्च॒ मूर्धा॑ च॒  
व्य॒श्नि॒ज॒य॒श्चा- ( ) -न्त्या॒य॒न॒श्चा- न्त्य॑श्च॒ भौ॒व॒न॒श्च॒  
भु॒व॒न॒श्चा-धि॒प॒ति॒श्च॒ । 20

#### 4.7.11.2 - Padam

मे॒ । च॒त॒स्रः॑ । च॒ । मे॒ । अ॒ष्टौ॑ । च॒ । मे॒ । द्वा॒द॒श॒ । च॒ । मे॒ ।  
षो॒ड॒श॒ । च॒ । मे॒ । वि॒ंश॒तिः॑ । च॒ । मे॒ । च॒तु॒र्वि॒ंश॒ति॒रि॒ति॒  
च॒तुः॑ – वि॒ंश॒तिः॑ । च॒ । मे॒ । अ॒ष्टा॒वि॒ंश॒ति॒रि॒त्य॒ष्टा॑ – वि॒ंश॒तिः॑ ।  
च॒ । मे॒ । द्वा॒त्रि॒ंश॒त् । च॒ । मे॒ । षट्त्रि॒ंश॒दि॒ति॒ षट् – त्रि॒ंश॒त् ।

च॒ । मे॒ । च॒त्वारि॑ञ्शत् । च॒ । मे॒ । च॒तुश्च॑त्वारि॑ञ्शदिति॒

च॒तुः॑ – च॒त्वारि॑ञ्शत् । च॒ । मे॒ ।

अ॒ष्टाच॑त्वारि॑ञ्शदित्य॒ष्टा – च॒त्वारि॑ञ्शत् । च॒ । मे॒ । वा॒जः॑ । च॒ ।

प्र॒सव॑ इति॒ प्र – स॒वः॑ । च॒ । अ॒पिज॑ इत्य॒पि-जः॑ । च॒ । क्र॒तुः॑ । च॒ ।

सु॒वः॑ । च॒ । मूर्धा॑ । च॒ । व्य॒श्निय॑ इति॒ वि – अ॒श्नियः॑ ( ) । च॒ ।

अ॒न्त्याय॑नः । च॒ । अ॒न्त्यः॑ । च॒ । भौ॒वनः॑ । च॒ । भु॒वनः॑ । च॒ ।

अ॒धिप॑तिरित्य॒धि – प॒तिः॑ । च॒ । 20 (61)

(त्रय॑स्त्रि॑ञ्शच्च॒ – व्य॒श्निज॑य – ए॒काद॑श च ) (A11)

#### 4.7.12.1

वा॒जो नः॑ स॒प्त प्र॒दिश॑श्च॒तस्रो॑ वा॒ परा॑वतः ।

वा॒जो नो॑ वि॒श्वे॑र्दे॒वै-र्ध॑नसा॒तावि॑हावतु ।

वि॒श्वे अ॒द्य म॒रुतो॑ वि॒श्व ऊ॒ती वि॒श्वे भ॑वन्त्व॒ग्नयः॑ स॒मिद्धाः॑ ।

वि॒श्वे नो॑ दे॒वा अ॒वसा॑ऽऽ ग॒मन्तु॑ वि॒श्वम॑स्तु॒ द्र॒विणं॑ वा॒जो अ॒स्मे ।

वा॒जस्य॑ प्र॒सवं॑ दे॒वा रथै॑र्या॒ता हि॒रण्य॑यैः ।

अ॒ग्निरिन्द्रो॑ बृ॒हस्पति॑र्मरुतः॑ सोम॑पीतये ।

वाजे॑वाजे॑ ऽवत॑ वाजिनो॑ नो॒ धने॑षु – [ ] 21

**4.7.12.1 - Padam**

वाजः॑ । नः॑ । सप्त॑ । प्रदि॑श इति॑ प्र – दि॑शः । चत॑स्रः । वा॒ ।

परा॑वत इति॑ परा – वतः॑ । वाजः॑ । नः॑ । विश्वे॑ः । दे॒वैः ।

धन॑साता॒विति॑ धन॑ – सातौ॑ । इ॒ह । अ॒वतु॑ । विश्वे॑ । अ॒द्य । म॒रुतः॑ ।

विश्वे॑ । ऊ॒ती । विश्वे॑ । भ॒वन्तु॑ । अ॒ग्नयः॑ । स॒मिद्धा॑ इति॑ सं – इ॒द्धाः ।

विश्वे॑ । नः॑ । दे॒वाः । अ॒वसा॑ । ए॒ति । ग॒मन्तु॑ । विश्व॑म् । अ॒स्तु ।

द्र॒विणम्॑ । वाजः॑ । अ॒स्मै इति॑ । वाज॑स्य । प्र॒सव॑मिति॑ प्र – स॒वम् ।

दे॒वाः । रथैः॑ । या॒त । हि॒रण्य॑यैः । अ॒ग्निः । इन्द्रः॑ । बृ॒हस्पतिः॑ ।

म॒रुतः॑ । सोम॑पीतय॒ इति॑ सोम॑ – पी॒तये॑ । वाजे॑वाज॒ इति॑

वाजे॑ – वाजे॑ । अ॒वत॑ । वाजिनः॑ । नः॑ । धने॑षु । 21 (50)



**4.7.12.2**

विप्रा अमृता ऋतज्ञाः ।

अस्य मध्वः पिबत मादयध्वं तृप्ता यात पथिभिर्देवयानैः ।

वाजः पुरस्तादुत मध्यतो नो वाजो देवाँ ऋतुभिः कल्पयाति ।

वाजस्य हि प्रसवो नन्नमीति विश्वा आशा वाजपतिर्भवेयं ।

पयः पृथिव्यां पय ओषधीषु पयो दिव्यन्तरिक्षे पयो धां ।

पयस्वतीः प्रदिशः सन्तु मह्यं ।

सं मा सृजामि पयसा घृतेन सं मा सृजाम्यप – [ ] 22

**4.7.12.2 - Padam**

विप्राः । अमृताः । ऋतज्ञा इत्यृत – ज्ञाः । अस्य । मध्वः । पिबत ।

मादयध्वम् । तृप्ताः । यात । पथिभिरिति पथि – भिः । देवयानैरिति

देव – यानैः । वाजः । पुरस्तात् । उत । मध्यतः । नः । वाजः ।

देवान् । ऋतुभिरित्यृतु – भिः । कल्पयाति । वाजस्य । हि । प्रसव

इति प्र – सवः । नन्नमीति । विश्वाः । आशाः । वाजपतिरिति

वाज – पतिः । भवेयम् । पयः । पृथिव्याम् । पयः । ओषधीषु ।

पयः॑ । दि॒वि । अ॒न्तरि॑क्षे । पयः॑ । धाम् । पय॑स्वतीः । प्र॒दिश॑ इति॑  
प्र – दि॒शः । स॒न्तु । म॒ह्यम् । स॒मिति॑ । मा । सृ॒जामि॑ । पय॑सा ।  
घृ॒तेन॑ । स॒मिति॑ । मा । सृ॒जामि॑ । अ॒पः । 22 (50)

#### 4.7.12.3

ओष॑धीभिः । सोऽ॒हं वा॑ज॒ः स॒नेय॑मग्ने ।  
न॒क्तोषा॑सा स॒मन॑सा वि॒रूपे॑ धा॒पये॑ते शि॒शुमे॑क॒ः स॒मीची॑ ।  
द्या॒वा क्षा॑मा रु॒क्मो अ॒न्तर्वि॑ भा॒ति दे॒वा अ॒ग्निं धा॑रयन् द्र॒विणो॑दाः ।  
स॒मुद्रो॑ऽसि न॒भस्वा॑ना॒र्द्रदानुः॑ शं॒भूर्मयो॑भूर॒भि मा वा॑हि स्वाहा  
मा॒रुतो॑ऽसि म॒रुतां॑ गणः शं॒भूर्मयो॑भूर॒भि मा वा॑हि स्वाहा  
ऽव॒स्युर॑सि दु॒वस्वा॑ञ्छं॒भूर्मयो॑भूर॒भि मा ( ) वा॑हि स्वाहा ॥ 23

#### 4.7.12.3 - Padam

ओष॑धीभि॒रित्योष॑धि – भिः । सः । अ॒हम् । वा॒जम् । स॒नेय॑म् ।  
अ॒ग्ने । न॒क्तोषा॑सा । स॒मन॑सेति स-मन॑सा । वि॒रूपे॑ इति वि-रूपे॑ ।  
धा॒पये॑ते इति । शि॒शुम् । ए॒कम् । स॒मीची॑ इति । द्या॒वा । क्षा॑म ।  
रु॒क्मः । अ॒न्तः । वी॒ति । भा॒ति । दे॒वाः । अ॒ग्निम् । धा॒रय॑न् ।

द्र॒वि॒णो॒दा इति॑ द्र॒वि॒णः – दाः । समु॒द्रः । अ॒सि॒ । नभ॑स्वान् ।  
 आ॒र्द्र॒दा॒नु॒रि॒त्या॒र्द्र॒-दा॒नुः । शं॒भू॒रिति॑ शं-भूः । म॒यो॒भू॒रिति॑ मयः-भूः ।  
 अ॒भी॒ति॒ । मा॒ । वा॒हि॒ । स्वा॒हा॒ ॥ मा॒रु॒तः । अ॒सि॒ । म॒रु॒ताम् । ग॒णः ।  
 शं॒भू॒रिति॑ शं – भूः । म॒यो॒भू॒रिति॑ मयः – भूः । अ॒भी॒ति॒ । मा॒ ।  
 वा॒हि॒ । स्वा॒हा॒ ॥ अ॒व॒स्युः । अ॒सि॒ । दु॒व॒स्वान् । शं॒भू॒रिति॑  
 शं – भूः । म॒यो॒भू॒रिति॑ मयः – भूः । अ॒भी॒ति॒ । मा॒ ( ) । वा॒हि॒ ।  
 स्वा॒हा॒ ॥ 23 (52) (ध॒ने॒ - ष्व॒पो - दु॒व॒स्वा॒ञ्छं॒भूर्म॒यो॒भूर॒भि॒ मा॒ -  
 द्वे॒ च॒ ) (A12)

#### 4.7.13.1

अ॒ग्निं॑ य॒न॒ज्मि॒ शव॑सा घृ॒तेन॑ दि॒व्यं॑ सु॒पर्णं॑ व॒यसा॑ बृ॒हन्तं॑ ।  
 तेन॑ व॒यं प॑तेम ब्र॒ध्नस्य॑ वि॒ष्टपं॑ सु॒वो रु॒हाणा॑ अ॒धि ना॒क उत्त॑मे ।  
 इ॒मौ ते॑ प॒क्षाव॑ज॒रौ प॑त॒त्रि॒णो या॒भ्यां॑ र॒क्षां॑-स्य॒पह॑-स्य॒ग्ने ।  
 ता॒भ्यां॑ प॑तेम सु॒कृता॑मु लो॒कं य॒न्त्र॒षयः॑ प्र॒थम॑जा ये पु॒राणाः॑ ।

चि॒दसि॑ समु॒द्रयो॑नि॒रिन्दु॑र्दक्षः॑ श्ये॒न ऋ॒तावा॑ ॥

हि॒रण्य॑पक्षः॑ शकु॒नो भु॒रण्यु॑-र्म॒हान्त् स॒धस्थे॑ ध्रु॒व - [ ] 24

**4.7.13.1 - Padam**

अ॒ग्निम् । यु॒न॒ज्मि॑ । श॒वसा॑ । घृ॒तेन॑ । दि॒व्यम् । सु॒पर्ण॑मि॒ति  
सु - पर्ण॑म् । वय॒सा । बृ॒हन्त॑म् । ते॒न । वय॑म् । प॒तेम॑ । ब्र॒ध्नस्य॑ ।  
वि॒ष्टप॑म् । सु॒वः । रु॒हाणाः॑ । अधी॑ति । ना॒के । उ॒त्तम॑ इत्यु॒त् - तमे॑ ।  
इ॒मौ । ते॒ । पक्षौ॑ । अ॒जरौ॑ । प॒तत्रि॑णः । या॒भ्याम् । रक्षा॑सि ।  
अ॒पह॑सीत्य॒प - ह॑सि । अ॒ग्ने । ता॒भ्याम् । प॒तेम॑ । सु॒कृता॑मि॒ति  
सु - कृ॑ताम् । उ॒ । लो॒कम् । यत्र॑ । ऋ॒षयः॑ । प्र॒थम॑जा इति  
प्र॒थम॑ - जाः । ये॒ । पु॒राणाः॑ । चि॒त् । अ॒सि । स॒मुद्र॑यो॒निरि॑ति  
स॒मुद्र॑ - यो॒निः । इ॒न्दुः । दक्षः॑ । श्ये॒नः । ऋ॒तावे॑त्यृ॒ता - वा ।  
हि॒रण्य॑पक्ष इति हि॒रण्य॑ - पक्षः॑ । शकु॒नः । भु॒रण्युः॑ । म॒हान् ।  
स॒धस्थ॑ इति स॒ध - स्थे॑ । ध्रु॒वः । 24 (50)

**4.7.13.2**

आ निषत्तः ।

नमस्ते॑ अस्तु॑ मा॑ मा॑ हि॒ऽसीर्वि॑श्वस्य॑ मूर्ध॑न्नधि॑ तिष्ठसि॑ श्रितः॑ ।

समु॒द्रे ते॑ हृदय॑-मन्तरा॒यु-द्या॑वापृथि॒वी भुव॑नेष्वर्पिते॑ ।

उ॒द॒नो दत्तो॑दधिं॑ भि॒न्त दि॒वः पर्ज॑न्यादन्तरि॒क्षात् पृथि॑व्यास्ततो॑ नो॒

वृ॒ष्ट्या॑वत । दि॒वो मूर्धा॑ऽसि॒ पृथि॑व्या नाभिरू॒र्गपा॑मोष॒धीनां॑ ।

वि॒श्वायुः॑ शर्म॑ सप्र॒था नम॑स्प॒थे । येन॑र्षयस्तपसा॒ सत्र॑ - [ ] 25

**4.7.13.2 - Padam**

एति॑ । निषत्त॑ इति॒ नि - सत्तः॑ । नमः॑ । ते॑ । अस्तु॑ । मा॑ । मा॑ ।

हि॒ऽसीः॑ । विश्व॑स्य । मूर्ध॑न् । अधी॑ति । तिष्ठसि॑ । श्रितः॑ । समु॒द्रे ।

ते॑ । हृदय॑म् । अन्तः॑ । आयुः॑ । द्यावा॑पृथि॒वी इति॒ द्यावा॑ - पृथि॒वी ।

भुव॑नेषु । अर्पिते॑ इति॒ । उ॒द॒नः । दत्त॑ । उदधि॑मित्युद॒-धिम् । भि॒न्त ।

दि॒वः । पर्ज॑न्यात् । अन्तरि॒क्षात् । पृथि॑व्याः । ततः॑ । नः॑ । वृ॒ष्ट्या॑ ।

अवत॑ । दि॒वः । मूर्धा॑ । अ॒सि । पृथि॑व्याः । नाभिः॑ । ऊ॒र्क् । अ॒पाम् ।

ओष॑धीनाम् । वि॒श्वायु॑रिति॒ विश्व॑ - आ॒युः । शर्म॑ ।

स॒प्र॒था॒ इति॑ स – प्र॒थाः॑ । नमः॑ । प॒थे । येन॑ । ऋ॒षयः॑ । तप॑सा ।

स॒त्रम् । 25 (50)

#### 4.7.13.3

मा॒स॒ते॒न्धा॒ना अ॒ग्नि॒ꣳ सु॒व॒रा॒भर॑न्तः ।  
तस्मि॑न्न॒हं नि॒ द॒धे ना॒के अ॒ग्नि॒मे॒तं य॑माहु॒र्मन॑व स्ती॒र्ण॒बर्हि॑षं ।  
तं प॒त्नी॒भि॒रनु॑ गच्छेम दे॒वाः पु॒त्रैर्भा॑तृभि॒रुत॑ वा हि॒रण्यैः॑ ।  
नाकं॑ गृ॒ह्णा॒नाः सु॒कृ॒त॒स्य लो॒के तृ॒तीये॑ पृ॒ष्ठे अधि॑ रो॒चने॑ दि॒वः ।  
आ व॒चो म॒ध्य-म॒रुह॑द्-भु॒रण्यु॒रय॑-म॒ग्निः स॒त्पति॑श्चे॒कितानः॑ ।  
पृ॒ष्ठे पृ॒थि॒व्या नि॒हि॒तो द॒वि॒द्युत॑दध॒स्पदं॑ कृ॒णुते॑ – [ ] 26

#### 4.7.13.3 - Padam

आ॒स॒त । इ॒न्धा॒नाः । अ॒ग्नि॒म् । सु॒वः । आ॒भर॑न्त इ॒त्या – भ॒र॑न्तः ।  
तस्मि॑न् । अ॒हम् । नी॒ति । द॒धे । ना॒के । अ॒ग्नि॒म् । ए॒तम् । यम् ।  
आ॒हुः । म॒न॒वः । स्ती॒र्ण॒बर्हि॑षमि॒ति स्ती॒र्ण – बर्हि॑षम् । तम् ।  
प॒त्नी॒भिः । अ॒न्वि॒ति । गच्छेम॑ । दे॒वाः । पु॒त्रैः । भा॑तृभि॒रिति॑  
भा॑तृ – भिः । उ॒त । वा । हि॒रण्यैः॑ । ना॒कम् । गृ॒ह्णा॒नाः ।

सु॒कृत॒स्येति॑ सु॒ – कृत॒स्य॑ । लो॒के । तृ॒तीये॑ ॥ पृ॒ष्ठे । अधी॑ति ।  
रो॒चने॑ । दि॒वः । ए॒ति । व॒चः । म॒ध्यम् ॥ अ॒रुह॑त् । भु॒रण्युः । अ॒यम् ।  
अ॒ग्निः । स॒त्पति॑रिति॒ सत् – प॒तिः । चे॒कितानः॑ । पृ॒ष्ठे । पृ॒थिव्याः॑ ।  
नि॒हित॑ इति॒ नि – हि॒तः । द॒विद्यु॑त् । अ॒धस्प॑दमित्य॒धः – प॒दम् ।

कृ॒णुते॑ । 26 (50)

**4.7.13.4**

ये पृ॒तन्य॑वः ।

अ॒यम॒ग्निर्वी॑र॒तमो॑ वयो॒धाः स॒हस्रि॑यो दी॒प्यता॑मप्रयुच्छन् ।  
वि॒भ्राज॑मानः स॒रिर॑स्य म॒ध्य उप॑ प्र या॒त दि॒व्यानि॑ धाम ।  
सं प्र च्य॑वध्वम॒नु सं प्र॑ या॒ताग्ने॑ पथो॒ दे॒वयाना॑न् कृ॒णुध्वं॑ ।  
अ॒स्मिन्थ् स॒धस्थे॑ अ॒ध्युत्तर॑स्मिन् विश्वे॑ दे॒वा य॑ज॒मानश्च॑ सी॒दत॑ ।  
ये॒ना स॒हस्रं॑ व॒हसि॑ ये॒नाग्ने॑ सर्व॒वेद॑सं ।  
ते॒नेमं॑ य॒ज्ञं नो॑ वह॒ दे॒वयानो॑ य – [ ] 27

**4.7.13.4 - Padam**

ये । पृत॒न्यवः॑ । अ॒यम् । अ॒ग्निः । वी॒र॒त॒म॒ इति॑ वी॒र – त॒मः ।  
वयो॑धा इति॑ वयः – धाः । स॒हस्रि॑यः । दी॒प्य॒ताम् ।  
अप्र॑युच्छन्नित्यप्र – यु॒च्छन् । वि॒भ्राज॑मान इति॑ वि – भ्राज॑मानः ।  
सरि॑रस्य । म॒ध्ये॑ । उप॑ । प्रेति॑ । या॒त । दि॒व्यानि॑ । धा॒म॒ । स॒म् ।  
प्रेति॑ । च्य॒व॒ध्वम् । अ॒न्वि॒ति॑ । स॒म् । प्रेति॑ । या॒त । अ॒ग्ने॑ । प॒थः ।  
दे॒व॒या॒ना॒नि॒ति॑ दे॒व – या॒ना॒न् । कृ॒णु॒ध्वम् । अ॒स्मिन् । स॒ध॒स्थ॒ इति॑  
स॒ध – स्थे॑ । अधी॑ति । उ॒त्तर॑स्मिन्नित्युत्-तर॑स्मिन् । वि॒श्वे॑ । दे॒वाः ।  
यज॑मानः । च॒ । सी॒द॒त॒ । येन॑ । स॒ह॒स्र॑म् । व॒ह॒सि॑ । येन॑ । अ॒ग्ने॑ ।  
सर्व॑वे॒द॒स॒मि॒ति॑ सर्व॑ – वे॒द॒स॒म् । तेन॑ । इ॒म॒म् । य॒ज्ञ॒म् । नः॑ । व॒ह॒ ।  
दे॒व॒या॒न॒ इति॑ दे॒व – या॒नः॑ । यः । 27 (50)

**4.7.13.5**

उ॒त्त॒मः ।  
उद्-बु॑ध्यस्वाग्ने॑ प्रति॑ जागृ॒ह्येन॑ मि॒ष्टा॒पूर्ते॑ सꣳ सृ॒जे॒थाम॑यं च॑ ।  
पुनः॑ कृ॒ण्व॑स्त्वा पि॒तरं॑ यु॒वान॑-म॒न्वा॒ताꣳसी॒त् त्वयि॑ तन्तु॑मे॒तं ।



अ॒यं ते॒ यो॒निर्ऋ॒त्वियो॒ यतो॑ जा॒तो अ॒रोच॑थाः ।

तं जा॒नन्न॑ग्न आ रो॒हाथा॑ नो॒ वर्ध॑या र॒यिं । 28

#### 4.7.13.5 - Padam

उ॒त्त॒म इ॒त्युत्-त॒मः । उ॒दि॒ति । बु॒ध्य॒स्व । अ॒ग्ने । प्र॒ती॒ति । जा॒गृ॒हि ।

ए॒नम् । इ॒ष्टा॒पूर्ते॑ इ॒ती॒ष्टा – पूर्ते॑ । स॒मि॒ति । सृ॒जे॒थाम् । अ॒यम् । च ।

पुनः॑ । कृ॒ण्वन् । त्वा । पि॒तर॑म् । यु॒वान॑म् ।

अ॒न्वा॒ताऽसी॑दि॒त्यनु॑-आ॒ताऽसी॑त् । त्वयि॑ । तन्तु॑म् । ए॒तम् । अ॒यम् ।

ते । यो॒निः । ऋ॒त्वियः॑ । यतः॑ । जा॒तः । अ॒रोच॑थाः । तम् । जा॒नन् ।

अ॒ग्ने । ए॒ति । रो॒ह । अथ॑ । नः । वर्ध॑य । र॒यिम् । 28 (37)

(ध्रु॒वः – स॒त्रं – कृ॒णु॒ते – यः – स॒प्त॒त्रिं॑श्च ) (A13)

#### 4.7.14.1

म॒मा॒ग्ने॑ व॒र्चो॑ वि॒हवे॑ष्वस्तु व॒यं त्वे॑न्धा॒ना स्त॒नु॒वं पु॒षेम॑ ।

म॒ह्यं न॑मन्तां प्र॒दि॒शश्च॑तस्र॒ स्त्वया॑-ऽद्ध्य॒क्षेण॑ पृ॒त॒ना ज॑येम ।

मम॑ दे॒वा वि॒हवे॑ सन्तु॒ सर्व॑ इन्द्रा॒वन्तो॑ म॒रुतो॑ विष्णु॒र॒ग्निः ।

म॒मा॒न्तरि॑क्ष॒ मुरु॑ गो॒पम॑स्तु॒ म॒ह्यं वा॑तः प॒वतां॑ का॒मे अ॑स्मिन् ।

मयि॑ दे॒वा द्र॒वि॒ण मा॒यज॑न्तां मय्या॒ शी॒रस्तु॑ मयि॑ दे॒वहू॑तिः ।

दै॒व्या हो॒तारा॑ वनिषन्त - [ ] 29

#### **4.7.14.1 - Padam**

मम॑ । अ॒ग्ने । वर्चः॑ । वि॒हवे॑ष्विति॑ वि - ह॒वेषु॑ । अ॒स्तु । व॒यम् ।  
त्वा । इ॒न्धा॒नाः । त॒नुव॑म् । पु॒षेम॑ । म॒ह्यम् । न॒मन्ता॑म् । प्र॒दिश॑ इति॑  
प्र - दि॒शः । च॒तस्रः॑ । त्वया॑ । अ॒ध्यक्षे॑णे॒त्यधि॑ - अ॒क्षेण॑ । पृ॒तनाः॑ ।  
ज॒येम॑ । मम॑ । दे॒वाः । वि॒हव॑ इति॑ वि - ह॒वे । स॒न्तु । स॒र्वे ।  
इ॒न्द्रा॒वन्त॑ इ॒तीन्द्र॑ - व॒न्तः । म॒रुतः॑ । वि॒ष्णुः । अ॒ग्निः । मम॑ ।  
अ॒न्तरि॑क्षम् । उ॒रु । गो॒पम् । अ॒स्तु । म॒ह्यम् । वा॒तः । प॒वता॑म् ।  
का॒मे । अ॒स्मिन् । मयि॑ । दे॒वाः । द्र॒वि॒णम् । ए॒ति । य॒जन्ता॑म् । मयि॑ ।  
आ॒शी॒रित्या॑ - शीः । अ॒स्तु । मयि॑ । दे॒वहू॑ति॒रिति॑ दे॒व - हू॒तिः ।  
दै॒व्या । हो॒तारा॑ । वनिषन्त । 29 (50)

#### **4.7.14.2**

पूर्वे॑ ऽरि॒ष्टाः स्या॑म त॒नुवा॑ सु॒वीराः॑ ।  
म॒ह्यं य॑जन्तु मम॑ या॒नि ह॒व्याऽऽकू॑तिः स॒त्या म॑न॒सो मे॑ अ॒स्तु ।

ए॒नो॑ मा॒निगां॑ क॒तम॑च्च॒नाहं॑ वि॒श्वे॑ दे॒वासो॑ अ॒धिवो॑च ता मे ।

दे॒वीः॑ ष॒डुर्वी॑रु॒रुणः॑ कृ॒णोत॑ वि॒श्वे॑ दे॒वा स॒ इह॑ वी॒रय॑द्ध्वं ।

माहा॑स्महि प्र॒जया॑ मा त॒नूभि॑र्मा र॒धाम॑ द्वि॒षते॑ सोम॒ राज॑न् ।

अ॒ग्नि॒र्मन्युं॑ प्र॒तिनु॑दन् पु॒रस्ता॑- [ ] 30

#### **4.7.14.2 - Padam**

पूर्वे॑ । अ॒रि॒ष्टाः । स्या॑म । त॒नुवा॑ । सु॒वीरा॑ इति॒ सु - वी॒राः॑ । म॒ह्यम् ।

य॒जन्तु॑ । म॒म । या॒नि । ह॒व्या । आ॒कू॒तिरि॒त्या - कू॒तिः । स॒त्या ।

म॒नसः॑ । मे॒ । अ॒स्तु । ए॒नः । मा । नी॒ति । गा॒म् । क॒तम॑त् । च॒न ।

अ॒हम् । वि॒श्वे॑ । दे॒वासः॑ । अ॒धीति॑ । वो॒चत॑ । मे॒ । दे॒वीः॑ । ष॒डुर्वी॑रि॒ति

षट् - उ॒र्वीः॑ । उ॒रु । नः॑ । कृ॒णोत॑ । वि॒श्वे॑ । दे॒वासः॑ । इ॒ह ।

वी॒रय॑द्ध्वम् । मा । हा॒स्महि॑ । प्र॒जये॑ति प्र - जया॑ । मा । त॒नूभिः॑ ।

मा । र॒धाम॑ । द्वि॒षते॑ । सोम॑ । रा॒जन् । अ॒ग्निः । म॒न्युम् ।

प्र॒तिनु॑दन्निति॒ प्रति॑ - नु॒दन् । पु॒रस्ता॑त् । 30 (50)

**4.7.14.3**

दद॑ब्धो गो॒पाः परि॑पाहि नस्त्वं ।

प्रत्य॑ञ्चो यन्तु नि॒गुतः पुन॑स्ते ऽमै॑षां चित्तं प्र॒बुधा विने॑शत् ।

धा॒ता धा॒तृणां भुव॑नस्य यस्पति॑ दे॒वः स॒वितार॑मभि माति॑षाहं ।

इ॒मं य॑ज्ञ म॒श्विनो॒भा बृ॒हस्पति॑ दे॒वाः पा॑न्तु यज॑मानन् न्य॒र्थात् ।

उ॒रुव्य॑चा नो म॒हिषः श॑र्म य॒ः स॒दस्मिन् ह॒वे पु॒रुहू॑तः पु॒रुक्षु॑ ।

स नः प्र॒जायै॑ हर्यश्च मृ॒डये॑न्द्र मा – [ ] 31

**4.7.14.3 - Padam**

अद॑ब्धः । गो॒पा इति॑ गो – पाः । परी॑ति । पाहि । नः । त्वम् ।

प्रत्य॑ञ्चः । यन्तु । नि॒गुत इति॑ नि-गुतः । पुनः । ते । अ॒मा । ए॒षाम् ।

चित्त॑म् । प्र॒बुधेति॑ प्र – बुधा । वी॑ति । ने॒शत् । धा॒ता । धा॒तृणा॑म् ।

भुव॑नस्य । यः । पतिः । दे॒वम् । स॒वि॒तार॑म् ।

अ॒भि॒मा॒ति॒षा॒ह॒मि॒त्य॒भि॒मा॒ति॒-सा॑हम् । इ॒मम् । य॑ज्ञम् । अ॒श्वि॒ना । उ॒भा ।

बृ॒हस्पतिः॑ । दे॒वाः । पा॑न्तु । यज॑मानम् । न्य॒र्था॒दि॒ति॑ नि- अ॒र्था॒त् ।

उ॒रुव्य॑चा इत्यु॒रु-व्य॑चाः । नः । म॒हिषः । श॑र्म । य॒ः स॒त् । अ॒स्मिन् ।

ह॒वे । पु॒रु॒हू॒त इति॑ पु॒रु – हू॒तः । पु॒रु॒क्षु । सः । नः । प्र॒जा॒य इति॑  
प्र – जा॒यै । ह॒र्य॒श्चेति॑ ह॒रि – अ॒श्व । मृ॒ड॒य । इ॒न्द्र । मा । 31 (50)

#### 4.7.14.4

नो॑ री॒रि॒षो मा॑ प॒रा दाः॑ ।

ये नः॑ स॒प॒त्ना अ॒प॒ते भ॑व॒न्त्वि॒न्द्रा-ग्नि॑भ्याम॒व बा॑धामहे॒ तान् ।  
व॒स॒वो रु॒द्रा आ॑दि॒त्या उ॒परि॑ स्पृ॒शं मो॒ग्रं चे॒त्ता॒रम॑धि॒ राज॑म॒क्रन् ।  
अ॒र्वाञ्च॑ मि॒न्द्रम॑मु॒तो ह॑वामहे॒ यो गो॑जिद्-ध॒न-जि॑दश्च-जि॒द्यः ।  
इ॒म॒न्नो य॑ज्ञं वि॒ह॒वे जु॑ष॒स्वा॒स्य कु॑र्मो ह॒रि॒वो मे॒दि॒नं त्वा । 32

#### 4.7.14.4 - Padam

नः । री॒रि॒षः । मा । प॒रेति॑ । दाः । ये । नः । स॒प॒त्नाः । अ॒पेति॑ । ते ।  
भ॑व॒न्तु । इ॒न्द्रा॒ग्नि॒भ्यामि॑ती॒न्द्रा॒ग्नि-भ्या॑म् । अ॒वेति॑ । बा॒धा॒म॒हे । तान् ।  
व॒स॒वः । रु॒द्राः । आ॑दि॒त्याः । उ॒परि॑स्पृ॒शमि॑त्यु॒परि – स्पृ॒शम् । मा ।  
उ॒ग्रम् । चे॒त्ता॒रम् । अ॒धि॒रा॒जमि॑त्य॒धि – रा॒जम् । अ॒क्रन् । अ॒र्वाञ्च॑म् ।  
इ॒न्द्रम् । अ॒मु॒तः । ह॑वामहे॒ यः । गो॑जि॒दिति॑ गो – जि॒त् । ध॒नजि॑दिति॒  
ध॒न – जि॒त् । अ॒श्वजि॑दित्य॒श्व – जि॒त् । यः । इ॒मम् । नः । य॑ज्ञम् ।

वि॒हव॑ इति॑ वि – ह॒वो॑ । जु॒षस्व॑ । अ॒स्य॑ । कु॒र्मः॑ ।

हरि॒व इति॑ हरि – वः॑ । मे॒दि॒नम्॑ । त्वा । 32 (43)

(व॒नि॒षन्त॑ – पु॒रस्ता॑न् – मा – त्रि॒च॒त्वा॒रि॒ञ्श॒च्च॑) (A14)

#### 4.7.15.1

अ॒ग्ने॒र्मन्वे॑ प्रथ॒मस्य॑ प्र॒चे॒तसो॑ यं पाञ्च॑ज॒न्यं ब॒हवः॑ स॒मि॒न्धते॑ ।  
वि॒श्वस्यां॑ वि॒शि प्र॒वि॒वि॒शि॒वाञ् समी॑महे स नो॑ मुञ्च॒त्वञ् ह॒सः॑ ।  
यस्ये॒दं प्रा॒णन्नि॑मिषद् यदे॒जति॑ यस्य॑ जा॒तं ज॒न॒मा॒नं च॑ के॒वलं॑ ।  
स्तौ॒म्यग्निं॑ ना॒थितो॑ जो॒हवी॑मि स नो॑ मुञ्च॒त्वञ् ह॒सः॑ ।  
इन्द्र॑स्य म॒न्ये प्रथ॒मस्य॑ प्र॒चे॒तसो॑ वृ॒त्रघ्नः॑ स्तो॒मा उप॑ मामु॒पागुः॑ ।  
यो दा॒शुषः॑ सु॒कृ॒तो ह॒वमु॑प गन्ता – [ ] 33

#### 4.7.15.1 - Padam

अ॒ग्नेः॑ । म॒न्वे॑ । प्रथ॒मस्य॑ । प्र॒चे॒तस॑ इति॑ प्र – चे॒तसः॑ । यम् ।  
पाञ्च॑ज॒न्यमि॑ति पाञ्च – ज॒न्यम् । ब॒हवः॑ ।  
स॒मि॒न्धत॑ इति॑ सम् – इ॒न्धते॑ । वि॒श्वस्या॑म् । वि॒शि ।

प्र॒वि॒वि॒शि॒वा॒ꣳस॒मि॒ति॒ प्र – वि॒वि॒शि॒वा॒ꣳस॒म् । ई॒म॒हे । सः । नः ।  
मु॒ञ्च॒तु । अ॒ह॒सः । य॒स्य । इ॒द॒म् । प्रा॒ण॒दि॒ति॒ प्र – अ॒न॒त् ।  
नि॒मि॒ष॒दि॒ति॒ नि – मि॒ष॒त् । य॒त् । ए॒ज॒ति॒ । य॒स्य । जा॒त॒म् ।  
ज॒न॒मा॒न॒म् । च । के॒व॒ल॒म् । स्तौ॒मि॒ । अ॒ग्नि॒म् । ना॒थि॒तः । जो॒ह॒वी॒मि॒ ।  
सः । नः । मु॒ञ्च॒तु । अ॒ह॒सः । इ॒न्द्र॒स्य । म॒न्ये॒ । प्र॒थ॒म॒स्य॒ । प्र॒चे॒त॒स॒  
इ॒ति॒ प्र – चे॒त॒सः । वृ॒त्र॒घ्न॒ इ॒ति॒ वृ॒त्र॒घ्नः॑ । स्तो॒माः॑ । उपे॒ति॒ । मा॒म् ।  
उ॒पा॒गु॒रि॒त्यु॒प – आ॒गुः । यः । दा॒शु॒षः । सु॒कृ॒त॒ इ॒ति॒ सु – कृ॒तः ।  
ह॒व॒म् । उपे॒ति॒ । ग॒न्ता॑ । 33 (50)

#### 4.7.15.2

स नो॑ मु॒ञ्च॒त्व॒ꣳ ह॒सः ।  
यः सं॒ग्रा॒मं न॒य॒ति सँ व॒शी यु॒धे यः पु॒ष्टा॒नि सꣳसृ॒ज॒ति त्र॒या॒णि ।  
स्तौ॒मी॒न्द्रं ना॒थि॒तो जो॒ह॒वी॒मि॒ स नो॑ मु॒ञ्च॒त्व॒ꣳ ह॒सः ।  
म॒न्वे वाँ मि॒त्रा व॒रु॒णा त॒स्य वि॒त्तꣳ स॒त्यौ॒ज॒सा दृ॒ह॒णा यं नु॒देथे॑ ।  
या रा॒जा॒नꣳ स॒रथं॑ या॒थ उ॒ग्रा ता नो॑ मु॒ञ्च॒त॒मा॒ग॒सः ।

यो वा॒ञ् रथ॑ ऋ॒जुर॑श्मिः स॒त्यध॑र्मा मि॒थुश्च॑रन्त-मु॒पया॑ति दू॒षय॑न् ।

स्तौमि॑ – [ ] 34

**4.7.15.2 - Padam**

सः । नः । मु॒ञ्चतु॑ । अ॒ह॒सः । यः । स॒ंग्राम॑मि॒ति स॒म् – ग्रा॒मम् ।  
नय॑ति । स॒मि॒ति । व॒शी । यु॒धे । यः । पु॒ष्टा॒नि । स॒ञ् सृ॒जती॑ति  
सं-सृ॒जति॑ । त्रया॑णि । स्तौमि॑ । इन्द्र॑म् । ना॒थि॒तः । जो॒हवी॑मि । सः ।  
नः । मु॒ञ्चतु॑ । अ॒ह॒सः । म॒न्वे । वा॒म् । मि॒त्राव॑रु॒णोति॑  
मि॒त्रा – व॒रुणा॑ । तस्य॑ । वि॒त्तम् । स॒त्यौज॑सेति स॒त्य – ओज॑सा ।  
दृ॒ह॒णा । यम् । नु॒दे॒थे इति॑ । या । रा॒जा॒नम् । स॒रथ॑मि॒ति स-रथ॑म् ।  
या॒थः । उ॒ग्रा । ता । नः । मु॒ञ्चत॑म् । आ॒ग॒सः । यः । वा॒म् । रथः॑ ।  
ऋ॒जुर॑श्मि॒रित्यृ॑जु – र॒श्मिः । स॒त्यध॑र्मेति स॒त्य – ध॒र्मा । मि॒थु ।  
च॒रन्त॑म् । उ॒पया॑तीत्यु॒प – या॑ति । दू॒षय॑न् । स्तौमि॑ । 34 (50)



**4.7.15.3**

मि॒त्रावरु॑णा नाथि॒तो जो॑हवीमि तौ नो मुञ्च॒तमा॑गसः ।  
वा॒योः स॒वितु॑ वि॒दथा॑नि मन्महे यावा॒त्मन्वद्-बि॑भृ॒तो यौ च॒ रक्ष॑तः ।  
यौ विश्व॑स्य परि॒भू ब॑भूवतुस्तौ नो मुञ्च॒तमा॑गसः ।  
उप॒ श्रेष्ठा॑न आ॒शिषो॑ दे॒वयो॑र्ध॒र्मे अ॒स्थिर॑न् ।  
स्तौमि॑ वा॒युं स॒वितारं॑ नाथि॒तो जो॑हवीमि तौ नो मुञ्च॒तमा॑गसः ।  
रथी॑तमौ रथी॒नाम॑ह ऊ॒तये शु॒भं ग॑मिष्ठौ सु॒यमे-भि॑रश्वैः ।  
ययो॑ -[ ] 35

**4.7.15.3 - Padam**

मि॒त्रावरु॑णेति मि॒त्रा - वरु॑णा । नाथि॒तः । जो॑हवीमि । तौ । नः ।  
मुञ्च॒तम् । आ॑गसः । वा॒योः । स॒वितुः । वि॒दथा॑नि । मन्महे । यौ ।  
आ॒त्मन्वदि॒त्यात्म॑न् - वत् । बि॒भृतः । यौ । च । रक्ष॑तः । यौ ।  
विश्व॑स्य । परि॒भू इति॑ परि - भूः । ब॑भूवतुः । तौ । नः । मुञ्च॒तम् ।  
आ॑गसः । उपेति॑ । श्रेष्ठाः । नः । आ॒शिष इत्या॑ - शिषः । दे॒वयोः ।  
ध॒र्मे । अ॒स्थिर॑न् । स्तौमि॑ । वा॒युम् । स॒वितार॑म् । नाथि॒तः ।

जो॒हवी॑मि । तौ । नः । मुञ्च॑तम् । आ॒गसः॑ । रथी॑त॒मावि॑ति  
रथी॑ – तमौ । रथी॑नाम् । अ॒ह्वे । ऊ॒तये॑ । शु॒भं । ग॒मिष्ठौ॑ ।  
सु॒यमे॑भि॒रिति॑ सु – यमे॑भिः । अ॒श्वैः । ययोः॑ । 35 (50)

**4.7.15.4**

–वां दे॒वौ दे॒वेष्व॑–नि॒शित॑–मो॒जस्तौ॑ नो॒ मुञ्च॑त॒माग॑सः ।  
यद॒यातं॑ वँ॒हतु॑ꣳ सूर्या॑या–स्त्रि॒चक्रे॑ण सꣳ सद॑मिच्छ॒मानौ॑ ।  
स्तौमि॑ दे॒वा व॒श्विनौ॑ नाथि॒तो जो॒हवी॑मि तौ नो॒ मुञ्च॑त॒माग॑सः ।  
म॒रुतां॑ म॒न्वे अ॒धिनो॑ ब्रुवन्तु प्रे॒मां वा॑चं वि॒श्वा म॑वन्तु वि॒श्वे ।  
आ॒शून् हु॒वे सु॒यमा॑नू॒तये॑ ते नो॒ मुञ्च॑न्त्वे॒नसः॑ ।  
ति॒ग्ममा॑यु॒धं वी॒डित॑ꣳ स॒हस्व॑द् दि॒व्यꣳ श॒र्द्धः – [ ] 36

**4.7.15.4 - Padam**

वा॒म् । दे॒वौ । दे॒वेषु॑ । अ॒नि॒शित॑मि॒त्यनि॑–शितम् । ओ॒जः । तौ । नः ।  
मुञ्च॑तम् । आ॒गसः॑ । यत् । अ॒यात॑म् । व॒हतु॑म् । सूर्या॑याः ।  
त्रि॒चक्रे॑णेति॑ त्रि – च॒क्रेण॑ । सꣳसद॑मि॒ति सम् – सद॑म् । इ॒च्छमा॑नौ ।  
स्तौमि॑ । दे॒वौ । अ॒श्विनौ॑ । नाथि॒तः । जो॒हवी॑मि । तौ । नः ।

मुञ्च॑तम् । आ॒ग॒सः । म॒रु॒ताम् । म॒न्वे । अ॒धी॒ति । नः । ब्रु॒व॒न्तु ।  
प्रे॒ति । इ॒मा॒म् । वा॒चम् । वि॒श्वा॒म् । अ॒व॒न्तु । वि॒श्वे॑ । आ॒शून् । हु॒वे ।  
सु॒य॒मा॒नि॒ति॒ सु – य॒मा॒न् । ऊ॒त॒ये॑ । ते । नः । मुञ्च॑न्तु । ए॒न॒सः ।  
ति॒ग्मम् । आ॒यु॒धम् । वी॒डि॒तम् । स॒ह॒स्व॒त् । दि॒व्यम् । श॒र्द्धः । 36 (50)

**4.7.15.5**

पृ॒त॒ना॒सु जि॒ष्णु ।  
स्तौ॑मि॒ दे॒वान् म॒रु॒तो ना॒थि॒तो जो॑ह॒वीमि॒ ते नो॑ मुञ्च॑न्त्वे॒न॒सः ।  
दे॒वा॒नां म॒न्वे अ॒धि नो॑ ब्रु॒व॒न्तु प्रे॒मां वा॒चं वि॒श्वा॒म॒व॒न्तु वि॒श्वे॑ ।  
आ॒शून् हु॒वे सु॒य॒मा॒नू॒त॒ये॑ ते नो॑ मुञ्च॑न्त्वे॒न॒सः ।  
यदि॑दं मा॒ऽभि॒शो॒च॒ति पौ॒रु॒षे॒ये॒ण दै॒व्ये॒न ।  
स्तौ॑मि॒ वि॒श्वा॒न् दे॒वान् ना॒थि॒तो जो॑ह॒वीमि॒ ते नो॑ मुञ्च॑न्त्वे॒न॒सः  
अ॒नु॒नो॒ऽद्या॒नु॒म॒ति॒ र॒न्वि – [ ] 37

**4.7.15.5 - Padam**

पृ॒त॒ना॒सु । जि॒ष्णु । स्तौ॑मि॒ । दे॒वान् । म॒रु॒तः । ना॒थि॒तः । जो॒ह॒वी॒मि॒ ।  
ते । नः । मुञ्च॑न्तु । ए॒न॒सः । दे॒वा॒ना॒म् । म॒न्वे । अ॒धी॒ति । नः ।

ब्रु॒वन्तु॒ । प्रे॑ति । इ॒माम् । वाच॑म् । विश्वा॑म् । अ॒वन्तु॒ । विश्वे॑ । आ॒शून् ।  
हु॒वे । सु॒यमा॑निति सु – यमा॑न् । ऊ॒तये॑ । ते । नः । मुञ्च॑न्तु ।  
ए॒नसः॑ । यत् । इ॒दम् । मा । अ॒भि॒शो॒चती॑त्यभि-शो॒चति॑ । पौ॒रु॒षे॒येण॑ ।  
दै॒व्येन॑ । स्तौ॑मि । विश्वा॑न् । दे॒वान् । ना॒थितः॑ । जो॒हवी॑मि । ते । नः ।  
मुञ्च॑न्तु । ए॒नसः॑ । अ॒न्विति॑ । नः । अ॒द्य ।  
अ॒नु॒मति॑रियनु – मतिः॑ । अ॒न्विति॑ । 37 (50)

#### 4.7.15.6

द॒नु॒मते॑ त्वं वै॑श्वा॒नरो॑ न ऊ॒त्या पृ॑ष्ठो दि॒वि ।  
ये अ॒प्र॒थेता॑-म॒मिते॑भि रो॒जो॒भि र्ये॑ प्र॒तिष्ठे॑ अ॒भव॑तां व॒सूनां॑ ।  
स्तौ॑मि द्या॒वा पृ॑थि॒वी ना॒थितो॑ जो॒हवी॑मि ते नो॑ मुञ्च॒तम॑ ह॒सः ।  
उ॒र्वी रो॑द॒सी व॒रिवः॑ कृ॒णोतं॑ क्षे॒त्रस्य॑ प॒त्नी अ॒धि नो॑ ब्रू॒यातं॑ ।  
स्तौ॑मि द्या॒वा पृ॑थि॒वी ना॒थितो॑ जो॒हवी॑मि ते नो॑ मुञ्च॒तम॑ ह॒सः ।  
यत् ते॑ व॒यं पु॒रु॒ष॒त्रा य॒विष्ठा॑ वि॒द्वाँस॑श्च॒कृ॒मा क॒च्य ना – [ ] 38

**4.7.15.6 - Padam**

इत् । अनु॒मत॑ इत्य॒नु – म॒ते । त्वम् । वै॒श्वान॑रः । नः । ऊ॒त्या । पृ॒ष्टः ।  
दि॒वि । ये इति॑ । अ॒प्र॒थे॒ताम् । अ॒मि॒ते॒भिः । ओ॒जो॒भि॒रि॒त्यो॒जः – भिः ।  
ये इति॑ । प्र॒ति॒ष्ठे इति॑ प्र॒ति – स्त्वे । अ॒भ॒व॒ताम् । व॒सू॒नाम् । स्तौ॑मि ।  
द्या॒वापृ॑थि॒वी इति॑ द्या॒वा – पृ॒थि॒वी । ना॒थि॒तः । जो॒ह॒वी॒मि । ते इति॑ ।  
नः । मु॒ञ्च॒तम् । अ॒ह॒सः । उ॒र्वी इति॑ । रो॒द॒सी इति॑ । व॒रि॒वः ।  
कृ॒णो॒तम् । क्षे॒त्र॒स्य । प॒त्नी इति॑ । अ॒धी॒ति । नः । ब्रू॒या॒तम् । स्तौ॑मि ।  
द्या॒वापृ॑थि॒वी इति॑ द्या॒वा – पृ॒थि॒वी । ना॒थि॒तः । जो॒ह॒वी॒मि । ते इति॑ ।  
नः । मु॒ञ्च॒तम् । अ॒ह॒सः । यत् । ते । व॒यम् । पु॒रु॒ष॒त्रे॒ति पु॒रु॒ष॒त्रा ।  
य॒वि॒ष्ठ । अ॒वि॒द्वा॒ह॒सः । च॒कृ॒म । क॒त् । च॒न । 38 (50)

**4.7.15.7**

ऽऽ\*गः । कृ॒धी स्व॑स्मा॒ह् अ॒दि॒ते॒र॒ना॒गा व्ये॑ना॒ह् सि॒ शि॒श्र॒थो वि॒ष्व॒ग॒ग्ने ।  
य॒था ह॒ तद् व॑स॒वो गौ॑र्यं चि॒त् प॒दि॒षि॒ता म॑मु॒ञ्च॒ता य॑ज॒त्राः ।  
ए॒वा त्व॑म॒स्मत् प्र॑मु॒ञ्चा व्य॑हः प्रा॒ता॒र्य॒ग्ने प्र॑त॒रान्न॑ आ॒युः । 39

**4.7.15.7 - Padam**

आ॒गः । कृ॒धी । स्वि॒ति । अ॒स्मान् । अ॒दि॒तेः । अ॒ना॒गाः । वी॒ति ।  
ए॒ना॒सि । शि॒श्र॒थः । वि॒ष्वक् । अ॒ग्ने । य॒था॑ । ह॒ । तत् । व॒स॒वः ।  
गौ॒र्य॑म् । चि॒त् । प॒दि । सि॒ताम् । अ॒मुञ्च॑त । य॒ज॒त्राः । ए॒वा । त्व॒म् ।  
अ॒स्मत् । प्रे॒ति । मु॒ञ्च । वी॒ति । अ॒हः॑ । प्रे॒ति । अ॒ता॒रि ।  
अ॒ग्ने । प्र॒त॒रा॒मि॒ति॒ प्र – त॒राम् । नः॑ । आ॒युः । 39 (34)

(गन्ता॑ – दू॒ष॒य॒न्थ् स्तौ॒मि – य॒योः – श॒ब्दो॑ऽ – नु॒म॒ति॒रनु॑ – च॒न –  
च॒तु॒स्त्रि॒ंश॒च्च) (A15)

**Special Korvai for Anuvaakam A-15**

(अ॒ग्ने॒र्मन्वे॑ – य॒स्ये॒द– मि॒न्द्र॒स्य – यः॑ सं॒ ग्रा॒म॒मि॒न्द्र॒ – स नो॑  
मु॒ञ्च॒त्व॒ ह॒सः॑ । म॒न्वे वा॒न्ता नो॑ मु॒ञ्च॒त॒मा॒ग॒सः॑ । यो वां॑ – वा॒यो–  
रु॒प – र॒थी॒त॒मौ – य॒द॒या॒त–म॒श्वि॒नौ – तौ नो॑ मु॒ञ्च॒त॒मा॒ग॒सः॑ ।  
म॒रु॒ता॒न्– ति॒ग्मं – म॒रु॒तो – दे॒वा॒नां – य॒दि॒दं वि॒श्वान् – ते नो॑  
मु॒ञ्च॒न्त्वे॒न॒सः॑ । अ॒नु न – उ॒र्वी – द्या॒वा॒पृ॒थि॒वी – ते नो॑  
मु॒ञ्च॒त॒म॒ह॒सो॑ य॒त्तै । च॒तु॒र॒ ह॒सः॑ षा॒डा॒ग॒सश्च॒तु॒रे॒न॒सो॑ द्वि॒र॒ह॒सः॑ ।

**Prasna Korvai with starting Padams of 1 to 15 Anuvaakams :-**

अ॒ग्ना॒वि॒ष्णू॒ – ज्यै॒ष्ठ॒य॒ꣳ – श॒ञ्चो॒ – क॒र्चा – ऽ॒श्मा॒ चा – ग्नि॒श्चा –  
ꣳशु॒ – श्वे॒द्ध॒म॒श्चा – ऽ॒ग्नि॒श्च॒ घ॒र्मा – ग॒र्भा – श्वै॒का च – वा॒जो नो॒  
– अ॒ग्निं यु॒न॒ज्मि॒ – म॒मा॒ग्ने॒ – अ॒ग्ने॒र्म॒न्वे॒ – प॒ञ्च॒द॒श ।

**Korvai with starting Padams of 1, 11, 21 Series of Panchaatis :-**

(अ॒ग्ना॒वि॒ष्णू॒ – अ॒ग्नि॒श्च॒ – वा॒जो नो॒ – अ॒द॒ब्धो गो॒पा – न॒व॒त्रि॒ꣳश॒त् )

**First and Last Padam of Seventh Prasnam of Kandam 4:-**

(अ॒ग्ना॒वि॒ष्णू॒ – प्र॒त॒रा॒न्न॒ आ॒युः )

**Kaanda Korvai with starting Padams of 7 Prasanas of Kandam 4:-**

(यु॒ञ्जा॒नो – वि॒ष्णो – र॒पाꣳ – र॒श्मि॒ – न॒मो – ऽ॒श्म –  
अ॒ग्ना॒वि॒ष्णू॒ – स॒प्त )

॥ हरिः ओं ॥

॥ कृष्ण यजुर्वेदीय तैत्तिरीय संहितायां चतुर्थकाण्डे

पद पाठे सप्तमः प्रश्नः समाप्तः ॥

॥ इति चतुर्थ काण्डं ॥

पद पाठे (वाक्य सहित) – चतुर्थकाण्डे – सप्तमः प्रश्नः

---

**Details of Panchati and Padam for Kandam 4 – Prasanam 7 – TS 4.7**

	Panchati	Padams
Anuvakam 1	2	118
Anuvakam 2	2	114
Anuvakam 3	2	108
Anuvakam 4	2	114
Anuvakam 5	2	98
Anuvakam 6	2	121
Anuvakam 7	2	84
Anuvakam 8	1	66
Anuvakam 9	1	68
Anuvakam 10	2	90
Anuvakam 11	2	111
Anuvakam 12	3	152
Anuvakam 13	5	237
Anuvakam 14	4	193
Anuvakam 15	7	334
Total →	39	2008

**Notes:**

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site [www.vedavms.in](http://www.vedavms.in)